

Naligiissitaanissamut Siunnersuisoqatigiit – Ukiumoortumik nalunaarusiaq 2023

Britta Keldsenimit, Naligiissitaanissamut Siunnersuisoqatigiinni siulittaasoq.

Siulequt

2023-p aallartinnerani Naligiissitaanissamut Siunnersuisoqatigiit nutaamik atuutilerput, ilaasortat ukiuni sisamani atorfeqartussatut toqqarneqartarput, piffissarlu kingullermik atuuffiusoq 2022-p naanerani killeqarsimavoq. Taamaattumik maanna siunnersuisoqatigiit 2023-miit 2026-mut atuutissapput.

Aammattaaq siunnersuisoqatigiit nutaanik taarserneri, eqqarsaatinik isumassarsianillu nutaanik siunnersuinissamut periarfissaqartitsipput, aammalu siunnersuisooqatigiittariaasimik nutaamik isumassarsiaqarnissamik inissaqartitsillutik.

Siunnersuisoqatigiit maannakkut atuuttut ukiuni sisamani sulissapput, tassani siunnersuisoqatigiit periusissiaat aallaavigissallugu. Ukiulli pingajuanni sisamaannilu sulinerat ukiumi siullermiit aappaanilu sulinerannit immikkoortinneqarumaarpoq. Siunnersuisoqatigiit ukiuani siullermi naligiissitaanermut tunngatillugu pingaarnertut oqallitsitsineq aamma Kalaallit Nunaanni naligiissitaanermut paasissutissiineq sammineqarput.

Naligiissitaanissamut Siunnersuisoqatigiit isumaqarput ataatsimoorluta angusaqarnerusinnaasugut, taamaattumillu Naligiissitaanissamut Siunnersuisoqatigiit sapinngisamik suleqatigiinnernut amerlanerpaanut peqataarusupput – Kalaallit Nunaanni nunarsuarmilu tamarmi. Angutini arnanilu naligiissitaanissaq Kalaallit Nunaanniinnaangitsoq unammillernartuuvoq, nunarsuarmimi tamarmi unammillernartuuvoq. Aatsaat isumassarsiornikkut, ilisimasanillu misilittakkanillu avitseqatigiinnikkut naligiissitaanerup siuarsarnissaanut pitsaanerpaamik periarfissaqalersinnaavugut – Kalaallit Nunaanni kikkunnut tamanut iluaqutaasumik.

Naligiissitaanissamut Siunnersuisoqatigiinni siulittaasutut nuannaarutigaa Kalaallit Nunaanni naligiissitaanngitsoqartoq ilisimaneqarluarmat. Taamaattumik pisortat politikkerillu akornanni miserratigineqanngilaq Kalaallit Nunaanni angutit arnallu naligiinnerat unammillernartoq, apeqqutaalerporlu tamanna qanoq pitsaanerpaamik allanngortinneqarsinnaanersoq, piginnaasaqarluartut sapinngisamik amerlanerpaat pissarsiarinissaat qulakkeerniarlugu. Piginnaassuseq assigiinngisitaarluni agguataaqqapput, periarfissalli assigiinngisitaarlutik agguataaqqanngillat. Tamatumunnga atatillugu pingaaruteqarpoq erseqqissassallugu naligiissitaanerup kikkut tamarmik assigiimmik periarfissaqarnissaanut tunngammat. Naligiinneq eqqartoraangatsigu imaanngilaq allat ajoquserneqassasut – naligiissitaaneq annaasaqarfiunngilaq.

Naligiissitaanissamut Siunnersuisoqatigiinni siulersuisutut sulinitsinni periusissarput pingaarnertullu anguniakkagut aalajangiusimassavagut, inuiaqatigiinnilu eqimattat immikkoortinnagit nikanarsarnagillu ineriartornermut ajunngitsumut tapersersuiniartuarpugut. Naligiissitaanissamut Siunnersuisoqatigiit akuutitsisuunissaq, piviusunik paasinnissinnaanissaq, alapernaatsuujuarnissartik eqqarsaatiginneqqissaartuunissartillu pissuserisimavaat, tamatumalu saniatigut Kalaallit Nunaanni inuiaqatigiinni tamani naligiissitaanerup pitsaanerulersinneqarnissaanut periarfissaqartoq erseqqissarniarlugu.

Naggataatigut 2023-mi naligiissitaanermit siunnersuisooqatigiit sulinerannik inuit tamarmik tapersersuisut qutsavigineqarput. Politikerit, niuernermit siuttut, sulisartut politikikkullu siuttut, timersortartut, kulturikkut suliaqartut allallu sulinitsinnik tapersersuisut suleqatigisimani nuannaarutigisimavagut. Qujanarujussuaq tamassi naligiissitaanerup politikkimut ilanngunneqarnerulernissaanut peqataasimagassi — naligiissitaanermimi oqallisigisariaqarparput.

Siulersuisoqatigiit ukiuat siulleq maanna qaangiuppoq, maannalu ukiup aappaa aallartissavarput.

Britta Keldsen, Naligiissitaanissamut Siunnersuisoqatigiit siulittaasuat

(eqqarsarput: 'Sooq siulittaasutut allappa?' Inatsisit naapertorlugit taama taaguuteqarama taamak allappara – neriuppunga inatsisit nutaat atuutilerpata tamanna allanngortinneqarsinnaassasoq, taamaalinnginneranili Naligiissitaanissamut Siunnersuisoqatigiinni aqutsisoq siulittaasutut taaguuteqassaaq)

2023-MI NALIGIISSITAANISSAMUT SIUNNERSUISOQATIGIIT KATITERNERAT

Naligiissitaanissamut Siunnersuisoqatigiit maanna ukuupput:

Britta Keldsen, siulittaasooq, Sulisitsisunit innersuunneqartoq

Mikkel Andreasen, siulittaasup tullia, Peqatigiiffik Kalaallit Meerartaanneersoq

Grethe Siegstad, Kommuneqarfik Sermersuumi Meeqqanut Inuusuttunullu Immikkoortortaqarfimmit innersuunneqartoq

Erni Kristiansen, Sipineq+*-imit innersuussutigineqarsimasooq

Rasmine Hansen, MIO-mit innersuunneqartoq

Sofus Fenger Hove LGBT Greenlandimit innersuunneqartoq

Mads Pedersen AK-mit innersuussutigineqartoq

Kathrine Bødker, marsi 8-ni suliniaqatigiiffimmit innersuunneqartoq, 2023-mi januaarip 10-aniit 2023-mi apriliip 10-ata tungaanut Siulersuisoqatigiinni siulittaasuusimavoq. Kathrine Bødker apriliip 10-ani 2023-mi Siulersuisoqatigiinnit tunuarpoq, Erni Kristiansenilu 2023-mi ukiakkut Siulersuisoqatigiinnut ilanngulluni.

NALIGIISSITAANISSAMUT SIUNNERSUIISOQATIGIIT PISINNAATITAAFFII AAMMALU PIGINNAATITAAFFII

Angutit arnallu naligiissitaanerat pillugu Inatsisartut inatsisaanni allassimavoq Naligiissitaanissamut Siunnersuisoqatigiit suliassarigaat kalaallit inuiaqatigiinni angutit arnallu naligiissitaanerannik siuarsaanissaq.

Aammattaaq ima allassimavoq:

Naligiissitaanissamut siunnersuisoqatigiit pisussaapput:

- Inatsit qanoq atorneqarnerisooq aammalu inuiaqatigiinni atuutilersinnissaa nakkutigalugu
- Naligiissitaanermut inatsimmi §§ 16-17 naapertorlugu Naalakkersuisunit aperineqarnermi oqaaseqaateqartarneq. Oqaaseqaateqarnerit tamanut ammasuussapput.
- Paasisaqartitsiniarluni oqallitsitsiniarlunilu suliniuteqarneq.
- Pisortat ingerlatsiviinut suliffeqarfiutitaanullu, aamma suliffeqarfinnut namminersortunut innuttaasunullu siunnersuisarnissaq.

Naligiissitaanissamut siunnersuisoqatigiit periarfissarivaat:

- Pisortat suliffeqarfiutaanni naligiissitaanermut sinniisuusut ikiorlugit
- Naligiissitaanermut tunngatillugu iliuuseqarnissaq oqartussaasunut il.il. isumassarsianik siunnersuutinillu suliaqarneq.
- Angutit arnallu inissisimaffii pillugit ileqqutoqqat ajortut allanngortinniarlugit paasissutissiisarnissaq.
- Pisortat allaffeqarfii kattuffiillu allat suleqatigalugit, suaassutsimut tunngavilimmik nakuusernermik akiuiniarlutik suliniuteqarneq.
- Akissarsiat assigiinngissutaat, suliffeqarfeqarnikkullu arnanut angutinullu assigiinngisitsineq pillugu suliniuteqarneq.

Pikkoriffiit:

Naalackersuisut kissaatigisimavaat Naligiissitaanissamut Siunnersuisoqatigiit naligiissitaanermut tunngasunik assigiinngitsorpassuarnik ilisimasaqarnissaat, taamaalillunilu siunnersuisoqatigiinnut ilaasortat ataatsimut isigalugit ukunani ilisimasaqarluarput:

- Meeqqat pisinnaatitaaffii Kalaallit Nunaannilu meeqqat atugaat
- Kalaallit Nunaanni arnat atugarliortut pisinnaatitaaffii atugaallu
- Kalaallit Nunaanni LGBT+-ikkut
- Sulinermit tunngasut aammalu
- Inatsisilerineq

Inatsimmi allassimavoq Siunnersuisoqatigiit katitigaassasut ukunanga ilisimasaqarneq aallaavigalugu:

- Suliffeqarnermi pissutsinik paasisimasaqassuseq
- Meeqqat pisinnaatitaaffii pissutsillu atugaat pillugit paasisimasaqassuseq
- Angutit arnallu inuiaqatigiinni qanoq inissisimanerat pillugu paasisimasaqassuseq

Naligiissitaanissamut siunnersuisoqatigiit suliassaannut tunngatillugu, siunnersuisoqatigiit taakkua sulinerminni inuiaqatigiinni pissutsinut Kalaallit Nunaanni naligiissitaanermut attuumassuteqartunut sunniiniarsarisinnaasutut oqaatigineqarsinnaapput.

Naligiissitaanissamut Siunnersuisoqatigiit sulianik aalajangersimasunik suliaqarsinnaanngillat, aamma siunnersuisooqatigiittut arlaannaannulluunniit attuumassuteqanngitsutut sulinngilaq. Maluginiarnarpoq assigiinngisitsinermut inatsisissatut siunnersuutip nutaap kingulleq tamanna allanngortinniarsaraa.

Siunnersuisoqatigiit politikikkut attuumassuteqannginnerat tamakkiisuunngilaq, ilaasortammi tamarmik Naalackersuisunit toqqarneqartarput¹. Politikikkut arlaannaannulluunniit attuumassuteqanngilluinnarusukkaanni, Naalackersuisut pinnatik siunnersuisoqatigiit allamit toqqarneqartariaqarput.

¹ Siunnersuisoqatigiit maluginiarpaat tamanna nalunaarusiaminnit siulianit allaanerulluinnartoq. Qulaani allassimasoq siulersuisoqatigiit maannakkut ilaasortaasut, politikkimut attuumassuteqannginneq pillugu apeqqummut naliliinerivaat.

Naligiissitaanissamut siunnersuisoqatigiinnut ilaasortat:

Naligiissitaanissamut Siunnersuisoqatigiit siulittaasorta qarput, arfinilinnillu ilaasorta qarlutik. Naligiissitaanissamut Siunnersuisoqatigiinnut ilaasortat tamarmik Naalakkersuisunit toqqarneqartarput, tamannalu pisarpoq kattuffinnit makkuninnga inassuteqaatit tunngavigalugit, inatsit naapertorlugu (§ 29):

Imm. 2. Kattuffiit aningaasarsiaqartunik sulisitsisunilluunniit sullissisut inassuteqarnerisigut Naalakkersuisut ilaasortamik ataatsimik marlunnilluunniit toqqaassapput.

Imm. 3. Kattuffiit, peqatigiiffiit, suliffeqarfiit il.il. meeqqanik inuusuttunillu sullissisut, imaluunniit meeqqat inuusuttullu pillugit suliaqartut inassuteqarnerisigut Naalakkersuisut ilaasortamik ataatsimik marlunnilluunniit toqqaassapput.

Imm. 4. Kattuffiit, peqatigiiffiit, suliffeqarfiit il.il. ilinniartitaanermik, atuarfinnik ilisimatusarnermilluunniit suliaqartut inassuteqarnerisigut Naalakkersuisut ilaasortamik ataatsimik marlunnilluunniit toqqaassapput.

Imm. 5. Kattuffiit, peqatigiiffiit, suliffeqarfiit il.il. suaassutsit inissisimaffinik imaluunniit suaassutsit ataasiakkaat soqutigisaannik pisinnaatitaaffinillu suliaqartut inassuteqarnerisigut Naalakkersuisut ilaasortamik ataatsimik marlunnilluunniit toqqaassapput.

Siunnersuisut amerlanertigut angutit marluk arnallu marluk siulersuisoqatigiinnut ilaasortanngortittarpaat.

Naalakkersuisut peqatigiiffinik innersuussisartunik allanit pingaernerutitsisarnersut pillugu kisitsisitigut paasissutissanik nassaassaqaqqanngilaq.

Tapiissutit:

2024-mut aningaasat missingersuutit “2023-mut aningaasanut inatsit”-mi tunngavigalugit Naligiissitaanissamut Siunnersuisoqatigiinnut tapiissutigineqartussat suliarineqarput.

2022-mut aningaasanut inatsit naapertorlugu 2023-mut 1.600.000 koruunit immikkoortinneqarput.

Aningaasanut naatsorsuummut matumunnga tunngaviuvoq angutit arnallu naligiissitaanerat pillugu Inatsisartut inatsisaat nr. 3, 29. november 2013-imeersoq. Naligiissitaanissamut Siunnersuisoqatigiit allattoqarfimmik ingerlatsinikkut assigiinngitsunillu suliniuteqarnermikkut suliaminnik naammassinnissinnaanissaat aningaasaliissuteqarnikkut qulakkeerseqassaaq. Naligiissitaanissamut Siunnersuisoqatigiit

ilaatigut suliniuteqartarnissaat, paasissutissiisarnissaat naligiissitaanermullu tunngasunik ataatsimiinnernut ataatsimeersuarnernilu peqataasarnissaat naatsorsuutigineqarpoq.

Aningaasartuutit ukununga atorineqartarput: Naligiissitaanissamut Siunnersuisoqatigiit allattoqarfiata ingerlanneqarnera, siunnersortinut avataaniittunut atuineq, init attartornerat, allaffimmi sulisut, ullormut aningaasarsiat, akissarsiat il.il., ataatsimiinnernut atatillugu aningaasartuutit, ataatsimeersuarnernut peqataaneq, soorlu paasissutissiineq, suliniutit ukiumullu nalunaarusianik saqqummersitsisarneq.

Naligiissitaanissamut siunnersuisoqatigiit isumaqarput siunnersuisoqatigiit sulineranut aningaasat immikkoortinneqartut, maannakkut siunnersuisoqatigiit sulisimanerannut naleqquttuusut.

NALIGIISSITAANISSAMUT SIUNNERSUISOQATIGIIT ULLUINNARNI SULIAI:

Naligiissitaanissamut Siunnersuisoqatigiit ulluinnarni aqutsinerat, siulittaasoq Britta Keldsenimit isumagineqarpoq, ingerlatsinermut ataatsimiititaliami ilaasortaasut Mikkel Andreassen, aammalu siulittaasup tullia Rasmine Hansen suleqatigalugit.

Sulianut tunngasut amerlanerit siulersuisoqatigiinnit aalajangerneqartarput.

Naligiissitaanissamut Siunnersuisoqatigiit aggusti 2023 ilanngullugu piffissaq tamakkiisumik allattoqarfimmi pisorta qarput, ukiumullu 500.000 koruunit 600.000 koruunillu akornanni aningaasartuuteqartarlutik. Allattoqarfimmi pisortaasimasoq isumaqatigiilluni 2023-mi aggustip naanerani tunuarpoq.

Siunnersuisoqatigiit 2023-mi qaammammi ataatsimi allattoqarfimmik siunnersorteqarsimapput, tamannalu 9.000 koruuninik akeqarsimavoq.

Siulersuisoqatigiit allattoqarfimmi pisortatut atorfup inuttalorsorneqarnissaa kissaatiginngilaat, allattoqarfimmi atorfik piffissamik tamakkiisumik atorfeqartitsinissaa pisariaqartinneqarsorinngimmat. Siulersuisoqatigiit allattoqarfimmik allamut ujaasinissaq misissortuarpaat, eqqarsaatigalugu siunnersuisoqatigiit ataatsimiititali allat suleqatigalugit periarfissaassanersoq. Tamannali aqqiissutissaqartinneqanngilaq, tamannalu soorunami siunnersuisoqatigiinnut allattoqarfimmi kiffartuussinermut sunniuteqarpoq.

Naligiissitaanissamut Siunnersuisoqatigiit kissaatigaat inuit attaveqaqatigiittarfii aqqutigalugit Siunnersuisoqatigiit sulinerat ersarissumik saqqummiunneqassasoq. Naligiissitaanissamullu Siunnersuisoqatigiit neqeroortitsinerup kingorna Look North ApS suleqatiginiarlugu isumaqatigiissuteqarfigaat, taannalu siunnersuisoqatigiit nittartagaannik aamma inuit attaveqaqatigiittarfiinik aqutsinermik, aamma imaqarniliornermik, ikiuisarpoq. Sulialli taakkua ilarpassui aamma siulittaasoq siunnersortilu suleqatigalugu suliarineqartarput.

Aaqqissuussinermut tunngasut siusinnerusukkut allattoqarfimmit suliarineqartartut maannali siulittaasoqarfimmit suliarineqartalernikut eqqaneqarsinnaapput (tamakkernatik)

- Ataatsimiinnerni (ukiumut marloriarluni sisamariarluniluunniit) ilinniartitaaneq
- Siulersuisoqatigiit angalanerat
- Siulersuisoqatigiit avataaniit ikiorneqarnermut aqutsineq
- Tusagassiuutitut nalunaarutitik suliaqarneq
- Siulersuisoqatigiit suliaannut nalunaarusiortarneq
- Siunnersuisoqatigiit suliniutaanut aqutsineq
- Suleqatitsinnit soqutiginnittunillu allanit saaffiginninnerit aalajangersimasut akillugit
- Inuit attaveqaqatigiittarfiini imaqarniliorneq

Sulisut:

Naligiissitaanissamut Siunnersuisoqatigiit maannakkut aalajangersimasumik sulisoqanngillat. Siulittaasoq qaammammut 6000 koruunit missaannik akissarsisarpoq.

Suleqativut:

Allattoqarfik avataaniit sulisussaqqarpoq, soorlu naatsorsuuserisut, inatsisilerinermik siunnersortit, revisorit, nutserisut, assilialiorartut, tusagassiuutiterisut, suliniutitik ineriartortitsisut allallu.

Allattoqarfiup Inuit Pisinnaatitaaffii Pillugit Ilisimatusarfik (Institut for Menneskerettigheder) aamma Inuit Pisinnaatitaaffii pillugit Siunnersuisoqatigiit (IPS) suleqatigiinnermik suliniutitut, suliffissaqartitsinermit angutit arnallu immikkoortinneqartarnerannut, suaassuseq tunngavigalugu immikkoortitsinermit il.il. tunngassuteqartunut qanimut suleqatigai. 2023-mili suleqatigiinnerat killeqarsimavoq.

Naligiissitaanissamut Siunnersuisoqatigiit siulittaasuat Inuit Pisinnaatitaaffii pillugit Kalaallit Nunaanni Siunnersuisoqatigiinni sinniisuvoq.

Naligiissitaanissamut Siunnersuisoqatigiinni siulittaasoq, Siunnersuisoqatigiinnilu allattoqarfik ilanngullugu, Nunani Avannarlerni Suleqatigiinnermut, nunani avannarlerni assigiinngitsuni naligiissitaanermut assigiinngisitsinermullu sinniisuusunik ilaasortaqqartumut, ilaapput.

Naligiissitaanermut Siunnersuisoqatigiit siulittaasuat naligiissitaanermut tunngasunik tusagassiuutitut oqaaseqaqquneqarajuppoq.

NALIGIISSITAANISSAMUT SIUNNERSUISOQATIGIIT TUSAGASSIUTINI:

Naligiissitaanermik siuarsaanermut atatillugu, Siunnersuisoqatigiit 2023-miit inuit attaveqaqatigiittarfii atorlugit suliniuteqarnerulerput. Tamanna aallartippoq maajip 20-ani 2023-mi, Inuiaqatigiinni Naligiissitaanerup Ullorititaaneranut atatillugu. Tassanilu Siunnersuisoqatigiit aamma inuit attaveqaqatigiittarfiini nittartagartik nutaaq Instagramimi saqqummiuppaat.

Siunnersuisoqatigiit Facebookimi quppernerat Kalaallit Nunaanni atuisartunut suli attaveqaatiginerpaasarpaat. Siunnersuisoqatigiit Facebookimi quppernerat 2000-init amerlanerusunik malinnaaffigineqarpoq, Instagramimi quppernerat 100-t missaanniittunit malinnaaffigineqarluni.

Naligiissitaanermut Siunnersuisoqatigiit 19. maaji 2023-mi Sermitsiami allaaserisaqarput qulequtaqarluni “Naligiissitaaneq soorunami oqaluserisariaqarparput”. Allaaserisami, Naligiissitaanermut Siunnersuisoqatigiit siulittaasuannit allanneqartumi, siunnersuisoqatigiit sulinerminni periusissiaat Instagramimilu quppernerat sammineqarput. Allaaserisaq ilanngussaq 1-imi takuneqarsinnaavoq.

Maajip 20-ani 2023-mi naligiissitaanermut siunnersuisoqatigiit inuit attaveqaqatigiittarfiini facebookimi Instagramimilu paasititsiniaasimapput. Naligiissitaanissamut Siunnersuisoqatigiit aperisimavaat inuussutissarsiortut 24-it, politikerit, timersortartut, kulturikkut suliaqartut innuttaasullu nalinginnaasut, naligiissitaanerup sooq pingaaruteqarneranik qanoq isumaqarnersut, akissutaallu ulloq naallugu nittartakkamut ikkussorneqarsimapput.

Aammattaaq ullormi tassani Naligiissitaanissamut Siunnersuisoqatigiit siulittaasuut Siunnersuisoqatigiit suliaat pingaarutilik pillugu KNR-imit apersorneqarpoq.

Naligiissitaanissamut Siunnersuisoqatigiit Naligiissitaanermut tunngasunik TV-kkut aallakaatitassiani peqataasarsimapput, siunnersuisoqatigiillu siulittaasuata arlaleriarluni tusagassiortut naligiissitaanermut tunngasunik apeqqutaat akisarpai.

Juuni 2023-mi Kalaallit Nunaanni oqallisigineqarpoq ulloq unnuarlu paaqqinnittarfinni angutit sulisinneqartarnerat inerteqqutaalersinnaanersoq. Tamanna pivoq alianartumik pisoqarmat, arnaq innarluuteqartoq meerartaarmat, tamatumalu kingorna angut ulloq unnuarlu paaqqinnittarfimmi sulisimasoq pasillerneqarlunilu unnerluutigineqarpoq. Kingusinnerusukkut angut taanna arnamik pinngitsaaliisimasutut eqqartuunneqarpoq.

Isumaginninnermut Aqutsisoqarfik suliaq tamanna tunngavigalugu aalajangerpoq siunissami angerlarsimaffimmi pineqartumi angutinik sulisoqartassanngitsaq, tamannalu Naligiissitaanissamut Siunnersuisoqatigiit siulittaasuata Sermitsiamit apersoneqarnermini ima oqaaseqarfigaa:

Britta Keldsen, eqqartuussissuserisoq Naligiissitaanissamullu Siunnersuisoqatigiinni siulittaasuugallartoq.

- Isumaqarpunga tamanna pillugu ajortorpassuaqartoq. Suliffeqarfimmi pinerluttoqarsimavoq, taamaattumillu suliffeqarfimmi pisortat isumaqalersimapput angutit tamarmik pinerluttuusut. Tamanna immikkoortitsineruvoq, isumaqarpungalu tamanna siulersuieriaaseq pitsaasuunngitsaq. Suliffimmi aqutsisut pitsaanerpaanik sulisussarsiuussinissaq akisussaaffigaat, taakkualu inuttut ataasiakkaatut pisinnaasaat tunngavigalugit toqqaasussaapput.
- Inuup ataatsip ajorluinnartumik iliornera soorunami tamanna sulisunut atornerluisimanningsunut kinguneqartariaqanngilaq — ingammik suaassutsit toqqammavigalugit.
- Arnaasimagaluarpammi? Taava arnat unnuami pigaartuusussaanninnerarneqassappat? Ajorluartumik ilaannikkut takusarpagut inuit atorfinitsitassarinningsaminnut atorfinitsinneqartartut. Tamannali kinguneqassava suaassutsimut sinniisutut inissiinermik? Isumaqarpunga tamanna ineriartorneq nuanniitsuussasq, naligiissitaanermullu tunngatillugu kinguariarnerussasq.

Toqqissisimatitsinissamut tamanna peqqutissaalluanngila?

- Aap, isumaqaruit piffissaq apeqqutaaginnassasq angutit tamarmik kinguaassiuutitigut pinngitsaaliinissaanut, taava paasilluarsinnaavara unnuakkut angutinik sulisoqaaqusaanninnera toqqissisimanarigit. Kisianni aatsaat isumaqaruit angutit tamarmik pinerluttartut. Pisortaanerup suaassuseq kisiat tunngavigalugu aalajangiinera uannut naleqqutinngilaq, aamma angutit arnullu naligiissitanerat pillugu inatsimmut akerliusutut isigaara. Aammattaaq ilanngukkusuppara arnat aamma atornerluisarmata.

25. novembarimi Nunarsuaq tamakkerlugu arnanut nakuusernerup akiorniarnernanut ullorititaq nalliussiniarlugu Naligiissitaanissamut Siunnersuisoqatigiit nittartakkatigut attaveqaqatigiittarfinni annikitsunnguamik suliniuteqaqqipput.

Naligiissitaanissamut Siunnersuisoqatigiit maluginiarneqarnerulernissartik anguniagaralugu, siunnersuisoqatigiit sulinerminnik paasissutissiinermut inuit attaveqaqatigiittarfii atortussatut pingaarnerpaatut toqqarsimavaat.

2023-mi Look North ApS isumaqatigiissuteqarfigaarput Siunnersuisoqatigiit Facebookimi Instagramimilu inuit attaveqaqatigiittarfiinik marlunnik ingerlatsissasut. Imarisat ikkunneqartartut Facebookkimi Instagramimilu assigiingajapput. Instagramimi allaaserisat inuusuttunut sammitinniarlugit taama iliortoqarsimavoq, tassami Facebook Kalaallit Nunaanni 35-it sinnerlugit ukiulinnit atorneqarneruvoq, inuusuttullu attaveqaqatigiittarfiit allat, ilaatigut Instagram, atornerusarpaat. Taamaattumik oqariartuutit assigiikkaluartut, attaveqaqatigiittarfiit assigiinngitsuni siammarnernissaat pisariaqarpasinngikkaluarpoq, amerlanerusunilli tusarlerneqarusunnermut pissutaavoq.

2023-MI SAMMISAT:

Naligiissitaanissamut Siunnersuisoqatigiit suliniutigaat naligiissitaanerup inuiaqatigiinni kalaallini oqaluserineqarnissaa.

Siunnersuisoqatigiit tusarliussassartik attaveqaqatigiittarfiit assigiinngitsutigut tusarliuttarpaat. Paasissutissanik pissarsinissamut oqaloqatigiinnissamullu periarfissarpassuarnut ilaapput tamanut ammasumik aaqqissuussinerit ataatsimiinnerillu assigiinngitsut, inuit attaveqaqatigiittarfiisigut tusagassiuutitigullu oqallitsitsinerit, politikkerinik oqaloqateqarnerit il.il.

Siulersuisoqatigiit ataatsimiinneri

Februaari 2023

Peqataasut: Kathrine Bødker, Rasmine Hansen, Mads Pedersen, Sofus Fenger Hove, Grethe Siegstad, Mikkel Andreassen aamma Britta Keldsen

Marsi 2023 – Ataatsimiinnermut tamatumunnga siulittaasup tullia Britta Keldsen aamma siulersuisunut ilaasortaq Mads Pedersen qaaqquneqarsimangillat.

Peqataasut: Kathrine Bødker, Rasmine Hansen, Sofus Fenger Hove, Grethe Siegstad aamma Mikkel Andreassen

Juuni 2023

Peqataasut: Rasmine Hansen, Mads Pedersen, Sofus Fenger Hove, Grethe Siegstad, Mikkel Andreassen aamma Britta Keldsen

Aggusti 2023

Peqataasut: Grethe Siegstad, Mikkel Andreassen aamma Britta Keldsen

Novembari 2023

Peqataasut: Erni Kristiansen, Grethe Siegstad, Mikkel Andreassen aamma Britta Keldsen

2023-mi nalliuttorsiornerit:

Marsip 8-aat – Arnat Ulluat

Naligiissitaanissamut Siunnersuisoqatigiinni siulittaasuusimasoq allattoqarfimmillu siuttup Katuami nakuuserneq pillugu saqqummiussinissaq oqallitsitsinissarlu aqqissuuppaat. Saqqummiussa q Siunnersuisoqatigiinni taasititsissutigineqarsimarpasinngilaq.

Maajip 20-at 2023-mi – Naligiissitaanerup ullorititaa

Naligiissitaanissamut Siunnersuisoqatigiit Instagramimi quppernertik maajip 20-ani 2023-mi ammarpaat, tassanilu oqariartuut “Sooq naligiissitaanissaq pingaaruteqarpa?” saqqummiunneqarpoq.

Siunnersuisoqatigiit Kalaallit Nunaanni politikerinit, inuussutissarsiornermi siuttuusunit, timersortartunit, kulturikkut suliaqartunit innuttaasunillu nalinginnaasunik oqaaseqarfigineqarsimapput, akissutillu ilaatigut imaapput:

“Uannut naligiissitaaneq tassaavoq kinaassuserisatut pissuseqarnissamut pisinnaatitaaffik... Pissutigalugu ataasiinnarmik inuuneqarpugut, tassanilu inuunitsinni kinaassuserisarput aallaavigalugu inuusussaataavugut”

“Tamatta naleqarpugut”

“Naligiissitaaneq kisimi naligiinnginnermik paaanermut tunngassuteqaannanngilaq, aammali assigiinngitsunik isiginnittaaseqarnerup, misilittagaqarnerup piginnaaneqarnerullu paasinissaa, akuerineqarnissaa pingaartinnissaalu ilaallutik.”

“Inuiaqatigiinnut ilaagatta tamatta naligiissitaaneq qulakkeerniarlugu, isummat isummiussereertartut akiorniarlugit aamma angutit arnullu inissisimaffii pillugit ileqqutoqqat

akiorniarlugit akisussaaffeqarpugut.... Silarsuaq tamanut naliigiissitaaffiusoq naapertuilluarfiusorlu pilersinniarlugu suleqatigiitta.”



25. novembari 2023 – FN-ip arnanut nakuusernarnerup akiorniarnernanut nunarsuaq tamakkerlugu ullorititaa

Novembarip 25-anni 2023-mi FN-ip arnanut nakuusernerup akiorniarnernanut nunarsuaq tamakkerlugu ullorititaa malunnartinniarlugu Naliigiissitaanissamut Siunnersuisoqatigiit inuit attaveqaqatigiittarfiisigut suliniuteqarsimapput. Suliniut paasititsiniaanerusimavoq qanoq ilaqutaasutut, ikinngutitut sulisitsisutullu arnaq tarnikkut timikkulluunniit nakuuserfigineqartoq tapersersorsinnaanerlugu, aamma arnap ikiorneqarnissaminut sunik pisariaqartitsineranik tunuliaqutaqarnersoq.



Arnanut persuttaasarneq unitsilli



Stop volden imod kvinder



Synes godt om fra kvindekendinstat og 8 andre
nali.gl Orange the world

Arnanut nakuusernarneq akiorniarnernanut nunarsuaq tamakkerlugu ullorsiorneq, periarfissiisimavoq arnanut niviarsiaqqanullu nakuusernarneq nunarsuaq tamakkerlugu sulii ajornartorsiutaaneranik inuillu inuuneranik sunniisartoq nassuerutiginnissaanik. Siunnersuisoqatigiit isumaqarput ajornartorsiutip tamatuma qulaarnissaa silarsuarmilu nakuuserfiunngitsumi inuulernissaq sulissutigissallugu pingaaruteqartoq.

Paasititsiniaanermi atortussat oktobarimi Danmarkimi Dannerhusetimiit pissarsiarineqartut tunngavigineqarput, taakkualu Dannerhusetip akuersineratigut siammarterneqarput.

Angalanerit:

Oktobari 2023

Naligiissitaanissamut Siunnersuisoqatigiit Kalaallit Nunaanni naligiissitaanermik siuarsaaniarlutik Danmarkimut oktobarimi 2023-mi isumassarsinartumik angalapput. Angalanermi siunertaavoq peqatigiiffiit suliffeqarfillu naligiissitaanermik suliniuteqarnermik suliaqartut tikeraarnissaat, taakkualu sulinerannit ilisimasaqalernissaq, isumassarsinissaq isumassarsiaqalernissarlu.

Danmarkimiitilluta naligiissitaanermik suliaqartunik, immikkut ilisimasalinnik suliaminnillu ilisimasalinnik oqaloqateqarnissamut ataatsimiinnissamullu peqataanissamut periarfissaqarsimavugut. Tamanna attaveqarfigisartakkatsinnik annertusaanissamut aamma peqatigiiffinnik suliffeqarfinnillu naligiissitaanermik suliniuteqartunik suleqateqalernissamut iluaqutigaarput.

Siunnersuisoqatigiit peqatigiiffiit suliffeqarfillu uku ataatsimeeqatigaat:

- Eqqartuussissuserisoq Miriam Michelsen, Danmarkimi tusagassiuutitut siunnersuisoqatigiinni siulittaasoq aamma qarasaasiakkut kannguttaatsuliorfigineqarsimasut eqqartuussissuserisuat
- LGBT+ Danmark
- NSK – Naalagaaffiup politiivini pinerlunnerit immikkut ittut pillugit immikkoortortaqaqfik (internetikkut kannguttaatsuliornerit)
- Dansk Industri
- Coca-Cola Danmark
- Dannerhuset



Angalanermit nalunaarusiaq tamaat ilanngussa q 2-mi takuneqarsinnaavoq.

Siunnersuisoqatigiinnut ilaasortat ilaatigut ima oqaaseqarsimapput:

“LGBT+ Danmarkimut tikeraarluta ukiut ingerlaneranni ineriartornerat, pisinnaatitaaffiillu pillugit politikkimik qanoq suliaqartarnerat paasisaqarfigilluarpavut. Isumassarsinaratorujussuuvoq soqutiginaratorujussuullunilu.”

“Inuiaqatigiit ineriartorneranni allatulli niuerneq ineriartortorujussuuvoq. Taamaattumik pingaaruteqarpoq inuussutissarsiortut naligiissitaanissaq pillugu suliniummut peqataanissaat.”



Maluginiarneqarpoq oktobarimi 2023-imi Københavnimi aamma ataatsimiittoqarmat, tassanilu peqataapput Cathrine Behrendt aamma Catrine Katzmann, taakkulu tamarmik 2024-mi marsip arfineq-pingajuani aqqissuussinermut atatillugu oqalugiartussatut siunnersuisoqatigiinnit qaaqquneqarput.

Tusarniaanerit:

Naligiissitaanissamut Siunnersuisoqatigiit naligiissitaanermik siuarsaanissaq aamma Kalaallit Nunaanni innuttaasut tamarmik pisinnaatitaaffiinik illersuinissaq aalluppaat. Taamaattumik assigiinngisitsinnginnissamut inatsisissatut siunnersuutip tusarniaassutigineqarnerani peqataalluarpugut, isumagut siunnersuutivullu saqqummiullugit.

Naligiissitaanissamut Siunnersuisoqatigiit 2023-mi assigiinngisitsinermut inerteqquteqalernissamik inatsisartunut siunnersuut nutaaq pillugu Naalakkersuisunut tusarniaanermut akissuteqaatinik nassiussisimapput

Siunnersuisoqatigiit tusarniaanermut akissutaat tamaat nalunaarusiamut matumunnga ilanngussami 3-miippoq.

Siunnersuisoqatigiit ilaatigut uku pingasut maluginiarpaat:

- Inatsiseq kiffaanngissuseqarnermut tunngasumut akornusiisoq
- Inatsisip ammip qalipaataa oqaatsillu piginnaaneri naligiisikkai
- Siulersuisunut ilaasortaasunut namminersorlutik oqartussanit pigineqartuunngitsunut pisassarititat inatsimmi atuutinngitsaq

Apeqqummut tamatumunnga akissutitta pingaarnersaat tassaavoq ammip qalipaataa oqaatsillu immikkoortinneqarnerat. Siunnersuisoqatigiit isumaqarput ammip qalipaataa oqaatsillu assigiinngitsuusut inatsisiliornermullu tunngatillugu akulerutsinneqarsinnaanngitsut. Oqaatsit pillugit pisinnaatitaaffiit illersornissaat pingaaruteqarpoq, ammip qalipaatai tunngavigalugit immikkoortitsisarneq naapertuilluartumik akuutitsisumillu iliuuseqarfigineqartillugu.

Aamma erseqqissarnikuuarpud arnat pisortani namminersortullu oqartussaaffigisaanni, aalajangiisartunut peqataatitaanerulernissaata pisariaqarnera. Tusarniaanermut akissuteqaammi kajumissaarneqarpuq sapiissuseqarluta iliuuseqassasugut Kalaallit

Nunaanni suliffeqarfinni namminersortuni arnat siulersuisuni ilaasortaanissaat qulakkeerniarlugu. Tamanna arnat aqutsisutut atorfinitsitsisalernissaannut naligiinnerulernissaannullu pingaaruteqarpoq.

Siunnersuisoqatigiit tusarniaanermut akissuteqaamminni siunertaraat akuutitsisarnerup assigiinngisitsinerlu pingaarnarpaatut siuarsarneqarnissaat, assigiinngisitsinermut akiuniarnermi. Siunnersuisoqatigiit isumaqarput assigiinngisitsinnginnissamut inatsit inuiaqatigiinnik innuttaasut tamarmik, suaassuseq, ammip qalipaataa, upperisaq, kinguaassiuutitigut soqutigisat il.il. apeqqutaatinnagit naligiimmik periarfissaqarfiusunik pilersitsissasoq.

Naligiissitaanissamut Siunnersuisoqatigiit 2023-miit 2026-mut periusissiaat:

Naligiissitaanissamut Siunnersuisoqatigiit februaarip 23-ani 2023-mi isumasioqatigiinnerminni maanna Siunnersuisoqatigiinnut periusissiaq una akueraat

Siunnersuisoqatigiit uku sammissavaat:

- Kinguaassiuutitigut nakuuserneq
- Suliffeqarnerup silarsuaani naligiinneq
- Assigiinngisitsinermut akuersaannginneq
- Internetikkut kannguttaatsuliornerit

Suiaassutsimut tunngasumut nakuuserneq

Suiaassutsimut tunngasumut nakuuserneq Kalaallit Nunaanni naligiissitaanermut tunngatillugu unammilligassat annersaasa ilagaat. Suiaassutsimut tunngasumut nakuuserneq timikkut tarnikkullu pisinnaavoq, ilaatigut ima isikkoqarsinnaalluni:

- Misigissutsikkut nakuuserneq nikanarsarneqarnermit kanngunarsarneqarnermillu ersersinneqartartoq
- Kinguaassiuutinut tunngassuteqartunik nakuuserneq
- Timikkut persuttaaneq
- Aningaasatigut nakuuserneq — allap aningaasatigut kiffaanngissusianik arsaarineq

Naligiissitaanissamut Siunnersuisoqatigiit kissaatigaat suaassusimut tunngasumik nakuuserneq sammineqartuarnissaa inuiaqatigiinnilu oqallisigineqartarnissaa, ajunngitsumik allannguinnisaaq siunertaralugu.

Naligiissitaaneq suliffeqarfiup silarsuaani:

Suliffiup iluani naligiinnik periarfissaqartitsinissaaq pisinnaatitaaffeqarnissarlu pingaaruteqarpoq.

Arnat angutillu tamakkiisumik naligiissumillu suliffeqarsinnaanissaannut akornutaasut suunersut paasiniarlugulu piiarnissaat sulissutigaarput. Ilaatigut tassaapput akissarsiat assigiinnerat, aqutsisutut atorfinissinnaaneq aamma suliffimmik ilaqtariinnillu tapersersuineq.

Assigiinngisitsinermut akuersaannginneq:

Siunnersuisoqatigiit assigiinngisitsinerit suulluunniit akiorniarpaat. Tamatumunnga ilaapput suaassutsimik immikkoortitsineq kisiat pinnagu aammalu inuiaassuseq, kinguaassiuutitigut soqutigisat, ukiut allallu pissutigalugit immikkoortitsineq. Inuiaqatigiit tamarmik naligiimmik pisinnaatitaaffeqarnerannik periarfissaqarnerannillu pilersitsinissaaq anguniagaraarput. Siunnersuisoqatigiilli maluginiarpaat inatsisit tamatumunnga tunngasut maannamut taamaallaat suaassutsimik tunngaveqartumik immikkoortitsinermut tunngassuteqartut.

Internetikkut kanngutsaatsuliornerit:

Ullumikkut qarasaasiat atonerisigut kannguttaatsuliornerit ajornartorsiutaaneruleralluttuinnarput. Internetimi toqqissisimanartumik ataqqinnippaluttumillu avatangiiseqartitsinissaaq sulissutigissavarput, tassani suaassutsit allallu pissutigalugit innimiillioortoqartassanngitsoq. Ilaatigut Internetimi isumannaatsuuneq pillugu ilinniartitsineq, uumissuinerimik oqaaseqartarneq internetimilu malersuineq suuneranik paasititsiineq.

Isumaqarluarpugut naligiinneq inuiaqatigiinni naapertuilluartuunissamut akuutitsisarnissamullu pingaaruteqartoq.

2023-mi Siunnersuisoqatigiit suliassaqrarfiit uku suliarisimavaat

Suiaassusimut tunngasumik nakuuserneq

- Siunnersuisoqatigiit oktobarimi 2023-mi angalanerminni, ilaatigut Danner-huset aamma NSK, Naalagaaffiup politiivi kiisalu eqqartuussissuserisoq Miriam Michelsen ataatsimeeqatigigamikkitt, sammisaq pillugu ilisimasaqalerlutillu isumassarsisimapput
- Novembarip 25-anni 2023-mi FN-ip arnanut nakuusertarnerup unitsinnissaannik ullorititaa malunnartinniarlugu, siunnersuisoqatigiit inuit attaveqaqatigiittarfii atorlugit suliniuteqarsimapput
- Naligiissitaanissamut Siunnersuisoqatigiit siulittaasuata tamanna eqqartorpaa pinerluttulerinermi inatsimmi allannguutigineqartumut atatillugu akuersissuteqaqqaartarnissaq pillugu
- Tamanna pillugu Sermitsiaq 19. maaji 2023-mi allaaserisaqarpoq
- Tamanna sammineqarpoq Siunnersuisoqatigiit Kalaallit Nunaanni Naligiissitaanerup Ulluanut atatillugu inuit attaveqaqatigiittarfiisigut maajip 20-ani 2023-mi suliniuteqarneranni
- Siunnersuisoqatigiit tusagassiuutitigut quppernerini sammisaq nalinginnaasumik sammineqarpoq, ilaatigut paasissutissat kisitsisit pillugit

Suliffiup iluani naligiinneq

- Siunnersuisoqatigiit oktobarimi 2023-mi angalanerminni, ilaatigut Dansk Industrimik Coca-Colamillu ataatsimeeqateqarnerminni, sammisaq tamanna pillugu ilisimasaqalerlutillu isumassarsisimapput
- Siunnersuisoqatigiit maajimi 2023-mi inuit attaveqaqatigiittarfiisigut suliniuteqarnerat kalaallit inuussutissarsiornermi siuttuinit tapersorsorneqarpoq, tamannalu pissutsit pillugit nunatsinni politikikkut inuiaqatigiinnilu oqaluuserinninnissamut iluaqutaavoq
- Naligiissitaanissamut Siunnersuisoqatigiit siulittaasuat Sermitsiami apersorneqarluni oqarpoq ulloq unnuarlu paaqqinnittarfinni angutit atorfinitsinneqarnissaat inerteqqutaalersinnaangitsoq, tamannami suaassutsikkut immikkoortitsinerussagaluarmat. Allaaserisap tamatuma kingorna inerteqqut isumaginninnermut aqutsisoqarfimmit atorunnaarsinneqarpoq.
- Siunnersuisoqatigiit tusagassiuutitigut quppernerini sammisaq nalinginnaasumik sammineqarpoq, ilaatigut kisitsisit ilanngullugit
- Siunnersuisoqatigiit 2023-mi decembarimi ilaatigut Naligiissitaanermut Naalackersuisoq kajumissaarpaat namminersortut akornanni erninnermut atatillugu akissarsiat utertinneqarsinnaanerannik maanna periarfissap annertusarnissaanut. Saaffiginnissut akineqarsimangilaq.

Assigiinngisitsinermut akuersaannginneq:

- Siunnersuisoqatigiit oktobarimi 2023-mi angalanerminni, ilaatigut LGBT+ Danmark, Coca-Cola Danmark aamma Dansk Industri ataatsimeeqatigigamikkit, sammisaq pillugu ilisimasaqalerlutillu isumassarsisimapput
- Assigiinngisitsinermut inatsisissaq pillugu tusarniaanermut Siunnersuisoqatigiit akissuteqarput
- Siunnersuisoqatigiit tusagassiuutitigut quppernerini sammisaq nalinginnaasumik sammineqarpoq, ilaatigut paasissutissat kisitsisit pillugit
- Siunnersuisoqatigiit 2023-mi decembarimi ilaatigut Naligiissitaanermut Naalackersuisoq kajumissaarpaat nunatsinni peqqinnissaqarfimmi kikkut tamarmik naligiissumik peqqinnissakkut sullissineqarnissaannik qulakkeerinneqqullugu.

Internetikkut kanngutsaatsuliornerit:

- Siunnersuisoqatigiit oktobarimi 2023-mi angalanerminni, ilaatigut LGBT+ Danmark, NSK, Rigspolitiet aamma eqqartuussissuserisoq Miriam Michelsen ataatsimeeqatigigamikkit, ilisimasaqalerlutillu isumassarsisimapput
- Siunnersuisoqatigiit tusagassiuutitigut quppernerini sammisaq nalinginnaasumik sammineqarpoq, ilaatigut paasissutissat kisitsisit pillugit

2023-mi ataatsimiinnerit, isumasioqatigiinnerit ataatsimeersuarnerillu:

Nunani Avannarlerni Ombudsmandit ataatsimiinnerat 2023-mi.

2023-mi Siunnersuisoqatigiit Nunani Avannarlerni Ombudsmandiusut ataatsimiinneranni peqataasimangillat. Ataatsimiinneq Siunnersuisoqatigiinni siulittaasut taarserneqarnerannut atatillugu pivoq, piffissarlu sivikitsoq pissutigalugu Siunnersuisoqatigiit siulittaasuat ataatsimiinnermut peqataasinnaasimangilaq. Ataatsimiinnerup nalaani siulersuisoqatigiit allattoqarfimmi pisortaqangillat.

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalackersuisoq peqatigalugu ataatsimiinneq

Siunnersuisoqatigiit 2023-mi Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalackersuisumik ataatsimeeqateqarnissaminnut qaaqquneqarsimangillat.

Siunnersuisoqatigiit ataatsimiititaliaata aprilimi 2023-mi Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalackersuisoqarfik ataatsimeeqatigaa, siulittaasup taarserneqarneranut atatillugu. Ataatsimiinneq paasissutissiiffiuvoq pilersaarutinillu oqaluuserisassaqarani.

Inatsisinut ataatsimiititaliaq peqatigalugu ataatsimiinneq.

2023-mi Siunnersuisoqatigiit Inatsisinut Ataatsimiititaliaq ataatsimeeqatigisimangilaat.

Nalunaarusiat:


Siunnersuisoqatigiit angalanerminnit nalunaarusiartik Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalackersuisoqarfimmut tunniunnikuaat. Nalunaarusiaq aamma Siunnersuisoqatigiit nittartagaanni atuarneqarsinnaavoq. Angalatitsineq pillugu nalunaarusiami siulersuisoqatigiit oktobarimi 2022-mi Danmarkimut angalanerat allaaserineqarpoq.

Atuagassiat:

2023-mi Siunnersuisoqatigiit atuagassianik saqqummersitsinikuunngillat.

Ukiumoortumik nalunaarusiaq manna pillugu apeqqutissaqaruit siulersuisut siulittaasuat Britta Keldsen uunga allaffigisinnaavat: nali@nali.gl

Naligiissitaanissamut Siunnersuisoqatigiit sinnerlugit



Britta Keldsen

siulittaasoq